


## Covid-19: Negara catat Rt 1.07, Pahang pula tertinggi mengikut negeri

Hafidzul Hilmi Mohd Noor

[hafidzul@hmetro.com.my](mailto:hafidzul@hmetro.com.my)



GAMBAR hiasan

Kuala Lumpur: Kadar kebolehjangkitan (Rt) Covid-19 di negara ini mencatatkan 1.07 nilai Rt berdasarkan kes harian yang dilaporkan semalam.

Ketua Pengarah Kesihatan Tan Sri Dr Noor Hisham Abdullah berkata, berdasarkan data terbaru itu negeri yang mencatatkan nilai Rt yang tertinggi adalah Pahang dengan catatan 1.24.

"Negeri lain yang mencatatkan Rt melebihi 1.0 adalah Wilayah Persekutuan Putrajaya (1.17), Wilayah Persekutuan Kuala Lumpur (1.10), Selangor (1.09), Melaka (1.08), Kedah (1.06), Pulau Pinang (1.05) dan Sabah (1.04).

"Negeri yang mencatatkan nilai Rt bawah 1.0 pula ialah Negeri Sembilan (0.99); Johor (0.93); Labuan (0.90); Sarawak (0.89); Terengganu (0.88) dan Kelantan (0.81)," katanya.

Nilai Rt merujuk kepada tahap kebolehjangkitan sesuatu virus iaitu berapa ramai individu boleh dijangkiti oleh satu kes positif.

Semakin rendah nilai Rt, semakin kurang kemungkinan jangkitan bagi setiap kes positif.

**Disiarkan pada: Julai 6, 2021 @ 7:39pm**